



Publicaziuns officialas dils 16-06-2017

Damonda da baghegiar

Nr. 42/2017

Datum da publicaziun: 16-06-2017
Patrun: Degonda Gabriel, 7176 Cumpadials
Liug e parcella: Curschellas; 4093
Object: Construcziun d'ina nova porta stuschabla sin la vart vest

Nr. 51/2017

Datum da publicaziun: 16-06-2017
Patrun: Duff Marcus, 7176 Cumpadials
Liug e parcella: Laus; 2549
Object: Slargiar eschs da nuegl e remplazzar cun eschs da glas, remplazzar ina petga ed allontanar ina preit da lenn

Ils profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 16-06-2017

Cumissiun da baghegiar Sumvitg

Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 46/2017

Vischnaunca Sumvitg, 7175 Sumvitg; rinforzar punt d'alumini existenta cun purtaders da fier sin la parcella nr. 8036 a Surrein-Plaunca da Stiirls.

Nr. 49/2017

Fry Ignaz, 7172 Rabius; montascha d'in indrez solar vid il tschabergal dil baghetg nr. 447A sin parcella nr. 110 a Rabius-Caduff.

Sumvitg, 16-06-2017

Cumissiun da baghegiar Sumvitg

Votaziun communal da dils 25-06-2017, mira messadi tarmess cun ils acts da votaziun

L'urna ei aviarta (en canzlia communal)

gievga e venderdis mintgamai duront las uras da spurtegl dumengia, ils 25-06-2017, dallas 10.00 – 11.00 uras

Sonda e dumengia, ils 24 e 25 da zercladur 2017 mintgamai avon il survetsch divin en las fracziuns.

Ils cedels da votar ein vegni distribui. Tgi ch'ei aunc buca en possess da tals ei supplicaus da s'annunziar tier l'administraziun communal.

Adatg!

Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriber. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sil certificat pil dretg da votar.

Sumvitg, 16-06-2017

Biro electoral Sumvitg

Radunonza da vischnaunca

La proxima radunonza da vischnaunca ha liug mardis, ils 20 da zercladur 2017 allas 20.00 uras a Rabius.

Gliesta da tractandas

1. Avertura e beinvegni
2. Elecziun da 2 dumbravuschs
3. Approbaziun dil protocol dalla davosa radunonza communal da dils 24-05-2017
4. Rendaquen 2016
5. Rapport dils revisurs ed approbaziun dil quen annual 2016
6. Concessiun d'ina contribuziun da 600'000 francs alla Casa s. Giusep per la transformaziun da combras da dus letgs en combras singulas
7. Tractaziun ed approbaziun dil project da sanaziun dalla via communal da rimnada Catat – Chistrisch – Caduff a Rabius e concessiun dil credit brut da 780'000 francs
8. Tractaziun ed approbaziun dil project da sanaziun dalla via communal da rimnada Reits – Punt Gonda a Surrein e concessiun dil credit brut da 795'000 francs
9. Tractaziun ed approbaziun dil project sanaziun casa da scola Rabius e concessiun dil credit brut da 160'000 francs
10. Orientaziuns
11. Varia

Dils documents tier las tractandas 6-9 sco era dil protocol dalla radunonza communal da dils 24-05-2017 sa vegnir priu investa sin canzlia communal duront las uras da spurtegl. Avon radunonza ei il protocol ultra da quei exponius en la stanza da radunonza per investa.

Sumvitg, 16-06-2017

Suprastonza communal Sumvitg

Serrada via Laus

Muort las lavurs da construcziun sin la via da Laus vegn la via serrada naven dils 24 d'avrel 2017. La via ei serrada duront l'entira jamna (era sonda e dumengia) per tut il traffic. Il traffic vegn duront il temps numnau sviaus sin la via da Puzzastg.

Tablas d'informaziun dattan sclariment davart ils loghens exacts dil tschancun che vegnan sanai. Las medemas informaziuns ein era publicadas sin la pagina d'internet dalla vischnaunca www.sumvitg.ch. Quellas informaziuns ein oravontut d'impurtonza per ils cultivaders dils praus sil tschancun denter Falens e Laus.

Nus engraziein per Vossa capientscha. Ulteriuras informaziuns survegnis Vus directamein dil biro Deplazes a Surrein (tel. 081 943 25 60).

Sumvitg, 16-06-2017

Suprastonza communal Sumvitg

Temps da vacanzas

Examinaziun dils documents da viadi

En paucas jamnas entscheiva il temps da vacanzas. Persunas che visetan tiaras digl exteriur ein supplicadas d'examinar a dretg temps lur documents da viadi. Per l'emissiu dils documents sto vegnir quintau cun entochen 15 dis da spetga. Perquei supplichein nus da preparar las vacanzas a dretg temps.

Sumvitg, 16-06-2017

Administraziun communal

Messa da scola finiziun onn da scola

Messa da scola a Sumvitg:

Per ils affons dallas casas da scola da Rabius e Sumvitg ha la messa da finiziun digl onn da scola liug a Sumvitg allas 14.00. Ils bus da scola curseschan avon messa 15 minutas pli tard che usitau. Suenter messa spetgan ils bus da scola sin plaz-scola per transportar ils affons en vacanzas.

Messa da scola a Trun:

Per ils affons dalla casa da scola a Trun ha la messa da finiziun digl onn da scola liug a Trun allas 14.15. Igl auto da posta cursescha sco usitau. *Consorti da scola Sumvitg-Trun*

Uniun da pescadurs Sumvitg

La pesca comunabla dil lag da Laus ha liug **sonda, igl 1. e dumengia, ils 2 da fenadur**. Sche l'aura lubescha, celebrescha il plevon da Sumvitg la dumengia allas 11.30 ina messa alpestra. Ustria cun gril sil plaz. Envidaus ei in e scadin. Il carrar cun vehichels tochen sil Bostg ei lubiu naven da sonda, igl 1. da fenadur allas 7.00 tochen dumengia, ils 2 fenadur allas 20.00. Empustaziuns per pèschs prendein bugen encunter sut 078 612 11 35.

Cordialmein envida l'uniun da pescadurs Sumvitg

Controllas apparats d'udida

Gliendisdis, ils 26 da zercladur 2017 saveis Vus schar schubergiar e rugalar Vies apparat d'udida:

9.00–10.30 en Casa sogn Martin a Trun

11.00–11.40 en Casa sogn Giusep a Cumpadials

13.15–14.30 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller sorprendan

comunablamein quei survetsch gratuit per tuts interessents. Ei drova negina annunzia.

Niev post da cussegliazion dalla alzheimer a Mustér

Avertura dil post da cussegliazion cun il referat da dr. Raimund Klesse
„Gut leben mit Demenz“, presentaziun dall'Associaziun alzheimer Grischun
e silsunter in pign apero.

**venderdis, ils 16 da zercladur dallas 19:30 ella PUNTREIS Center da sanadad SA a
Mustér**

Tuts interessai ein cordialmein envidai dalla PUNTREIS Center da sanadad SA e
dall'Associaziun alzheimer Grischun